



Studentima Univerziteta u Tuzli

Protest zakazan za 28.10.2009. godine pod parolom “Nećemo dozvoliti da nas lažu”, pozivom na blokadu i “da spasimo naš Univerzitet od propasti i gašenja” zakazan je bez prethodnog upoznavanja Univerziteta, tako da neposredni razlozi nisu jasni i stvaraju veliku zabunu među studentima i nastavnom osoblju.

Senat Univerziteta u Tuzli je čvrsto i odlučno podržao sve studentske zahtjeve koji su bili utemeljeni u propisima i provodivi u skladu sa temeljnim akademskim principima. Studentima je prethodno odobren dodatni broj ispitnih termina, a studentima prethodnih godina studija omogućen je bezuvjetan upis u završnu godinu studija godine ukoliko ih sustiže promjena nastavnih planova i programa.

Jedini zahtjev studenata koji Senat nije bio prihvatio je “BEZUSLOVNI PRELAZAK U NAREDNU STUDIJSKU GODINU”. U početku se tražio безусловni prelazak za studente završnih, a onda i za studente pojedinih studijskih godina, te konačno i za sve studijske godine. Ovaj zahtjev je protuzakonit i u praksi neprovodiv.

Senat Univerziteta u Tuzli je izvršio detaljnu analizu promjene nastavnih planova i programa na svim fakultetima i studijskim odsjecima. Ustanovili smo da niti na jednom odsjeku u nižim godinama studija niti jedan student neće trpjeti posljedice zbog činjenice da ga sustiže novi nastavni program – pa čak i ako se govori o sustizanju “Bolonjskog koncepta”.

Bez obzira na motive protesta, Univerzitet je odlučan raditi isključivo u skladu sa zakonom i Evropskim standardima u oblasti visokog obrazovanja koje su nadležni organi države BiH i Tuzlanskog kantona preuzeli potpisivanjem niza dokumenata.

Nadamo se da će studenti Univerziteta u Tuzli prepoznati napore akademske zajednice, te odustati od najavljenih protesta i blokada. Pozivamo studente Univerziteta u Tuzli da artikuliraju svoje zahtjeve u pravcu afirmacije akademskih i naučnih vrijednosti te dostignutog nivoa reforme visokog obrazovanja i na taj način osiguraju validnost svojih diploma.

Nepoštivanje zakona vodi podrivanju pravnog sistema i države BiH.

Menadžment Univerziteta u Tuzli